

**პროექტი**

**საქართველოს ორგანული კანონი**  
**საქართველოს ორგანულ კანონში „ადგილობრივი თვითმმართველობის კოდექსი“**  
**ცვლილების შეტანის შესახებ**

**მუხლი 1.** საქართველოს ორგანულ კანონში „ადგილობრივი თვითმმართველობის კოდექსში“ (საქართველოს საკანონმდებლო მაცნე ([www.matsne.gov.ge](http://www.matsne.gov.ge)), 19/02/2014 სარეგისტრაციო კოდი 010250000.04.001.016100) შეტანილ იქნეს შემდეგი ცვლილება:

**1. 34-ე მუხლის:****ა) სათაური ჩამოყალიბდეს შემდეგი რედაქციით:**

„მუნიციპალიტეტის საკრებულოს თავმჯდომარის თანამდებობიდან გადაყენება, მისი უფლებამოსილების შეჩერება“;

**ბ) მე-3 პუნქტის შემდეგ დამატოს შემდეგი შინაარსის მე-4 პუნქტი:**

„4. მუნიციპალიტეტის საკრებულოს თავმჯდომარეს, გარდა ამ კანონის 43-ე მუხლით გათვალისწინებული შემთხვევებისა, მუნიციპალიტეტის საკრებულოს თავმჯდომარის თანამდებობრივი უფლებამოსილება შეუჩერდება, აგრეთვე, ამ კანონის 56-ე მუხლის მე-5 პუნქტით განსაზღვრულ შემთხვევაში გამგებლის/მერის მოვალეობის შესრულებისას.“;

**2. 36-ე მუხლის:****ა) მე-3 პუნქტი ჩამოყალიბდეს შემდეგი რედაქციით:**

„3. მუნიციპალიტეტის საკრებულოს თავმჯდომარის მოადგილე მუნიციპალიტეტის საკრებულოს რეგლამენტით დადგენილი წესით ასრულებს მუნიციპალიტეტის საკრებულოს თავმჯდომარის მოვალეობას მის მიერ უფლებამოსილების განხორციელების შეუძლებლობის, თანამდებობიდან მისი გადადგომის ან გადაყენებისას, აგრეთვე, მისთვის საკრებულოს თავმჯდომარის უფლებამოსილების შეჩერების/შეწყვეტის შემთხვევაში.“

**ბ) მე-3 პუნქტის შემდეგ დამატოს შემდეგი შინაარსის 3<sup>1</sup> პუნქტი:**

„3<sup>1</sup>. თუ მუნიციპალიტეტის საკრებულოს თავმჯდომარეს ჰყავს ორი მოადგილე ან მუნიციპალიტეტის საკრებულოს თავმჯდომარის მოადგილე/მოადგილეები არჩეული არ არიან, ამ მუხლის მე-3 პუნქტით გათვალისწინებულ შემთხვევაში, მუნიციპალიტეტის საკრებულოს თავმჯდომარის მოვალეობის შესრულების საკითხი რეგულირდება მუნიციპალიტეტის საკრებულოს რეგლამენტით დადგენილი წესით.“.

**3. 56-ე მუხლის მე-5 პუნქტი ჩამოყალიბდეს შემდეგი რედაქციით:**

„5. გამგებლის/მერის უფლებამოსილების შეჩერების ან შეწყვეტის შემთხვევაში მის მოვალეობას გამგებლის/მერის უფლებამოსილების აღდგენამდე ან ახალი გამგებლის/მერის არჩევამდე ასრულებს გამგებლის/მერის პირველი მოადგილე, თუ გამგებლის/მერის პირველი მოადგილე თანამდებობაზე დანიშნული არ არის - გამგებლის/მერის მოადგილე, ხოლო თუ გამგებლის/მერს ორი ან მეტი გამგებლის/მერის მოადგილე ჰყავს, მაშინ - ასაკით უხუცესი გამგებლის/მერის მოადგილე. იმ შემთხვევაში, თუ გამგებლის/მერის პირველი მოადგილე ან გამგებლის/მერის მოადგილე დანიშნული არ არის, გამგებლის/მერის უფლებამოსილების აღდგენამდე ან ახალი გამგებლის/მერის არჩევამდე გამგებლის/მერის მოვალეობას ასრულებს მუნიციპალიტეტის საკრებულოს თავმჯდომარე. ამ მუხლის პირველი პუნქტის „დ“ და „ე“ ქვეპუნქტით გათვალისწინებული გამგებლის/მერის უფლებამოსილების შეჩერების შემთხვევაში გამგებელი/მერი უფლებამოსილია თავად განსაზღვროს გამგებლის/მერის მოვალეობის შემსრულებელი გამგებლის/მერის მოადგილე, მათ შორის პირველი მოადგილე.“

**4. 71-ე მუხლს დაემატოს შემდეგი შინაარსის მე-3 პუნქტი:**

„3. თბილისის საკრებულოს თავმჯდომარის გადადგომისას ან გადაყენებისას, აგრეთვე, მისთვის თბილისის საკრებულოს თავმჯდომარის უფლებამოსილების 34-ე მუხლის მე-4 პუნქტითა და 43-ე მუხლით გათვალისწინებული უფლებამოსილების შეჩერების/შეწყვეტის შემთხვევაში, თბილისის საკრებულოს თავმჯდომარის მოვალეობას ასრულებს მისი პირველი მოადგილე, ხოლო თუ პირველი მოადგილე არჩეული არ არის, თავმჯდომარის მოვალეობის შესრულება დაეკისრება ერთ-ერთ მოადგილეს საკრებულოს რეგლამენტის დადგენილი წესით. თუ საკრებულოს თავმჯდომარის არცერთი მოადგილე არ არის არჩეული, საკრებულოს თავმჯდომარის მოვალეობის შესრულების საკითხი რეგულირდება მუნიციპალიტეტის საკრებულოს რეგლამენტით დადგენილი წესით.“

**მუხლი 2.** ეს კანონი, ამოქმედდეს გამოქვეყნებისთანავე.

**საქართველოს პრეზიდენტი**

**გიორგი მარგველაშვილი**

**ქ. ქუთაისი**

-----, 2017 წ.

№---